

8 midadas dal 2022

La posta vegn pli chara, per personas trans vegni pli simpel, e midadas tar las assicuranzas – Cun l'entschatta da l'onn van mintgamai en vigur novas leschas e prescripziuns – e novas tariffas da preztisch vegnan definidas. Ina survista.

Questas midadas porta l'onn che ha cumenzà avant curt: Ina brev che custava enfin uss cun la Posta A 1 franc, custa a partir dad ussa 1,10 francs. Quai è ina da las midadas che pertutgan bleras e blers en il mintgadi. Pli bunmartgà vegn persuenter la midada da classa tar las Viafiers: Sche ils chars da l'emprima classa èn mez vids, datti per part bigliets tuttina chars sco quels da la segunda classa. Plinavant ha il Cussegl federal decidì per l'onn nov in obligatori da glisch per l'e-bike – sumegliant sco tar l'auto – per evitar anc dapli accidents cun velos electric. RTR dat ina survista dad intginas midadas da l'onn 2022. (rtr/fmr)

Otg midadas da l'onn 2022

RTR/FMR

Cun il cumenzament da l'onn nov van mintgamai en vigur novas leschas, reglas e prescripziuns. RTR dat ina la survista da las otg pli impurtantas midadas.

Scumond da «geoblocking»

Quest scumond pertutga tut quels e quellas che cumpran las chaussas gugent online. Shops da l'exteriur han enfin uss manà als utilisaders direct tar la pagina svizra da lur purschida. Quai aveva per consequenza, ch'ils products èn uschia daventads pli chars. Perquai han ins uss las medemas cundiziuns da cumpra sin la pagina svizra sco sin quellas da l'exteriur. Ils online-shops n'èn dentant betg obligads da furnir en Svizra.

La posta vegn pli chara

Tge che vegn pli char, èn las brev ed ils pac tar la Posta. Ina brev da posta A custa uss nov 1,10 francs, ina brev posta B 90 raps. L'argument da la Posta: I vegnan scrittass adina pli paucas brev.

nas giuvnas cun impediments vegnir integradas meglier en la vita professiunala. Ellas duain vegnir sustegnidas pli ditg ed avair meglier access tar cussegliaziuns e coachings. La glista da las malsognas da naschientscha è vegnida adattada



Viagiar en la emprima classa da la viafier vegn pli bunmartgà.

FOTO YANIK BÜRKLJ

tada al nov stadi da la scienza. Uschia pon era malsognas pli raras vegnir resguardadas. La AI po era surpigliar ils custs per il tractament da quellas malsognas – era sche quel n'è anc betg sa cumprovà dal tut.

tendi quella midada han ils emetturs ch'èn finanziads da reclamas. Plirs purschiders vulan vinavant porscher da pudair guardar televisiun senza reclamas – per quest servezzan stuess la consumenta u il consument alura dentant pajar dapli.

Glisch per l'e-bike

Davent da proxima primavaira sto l'e-bike avair tschentà en la glisch era durant il di – sumegliant sco tar ils autos. Uschia vules il Cussegl federal evitar accidents. Tgi che na sa tegna betg vid quai, sto quintar cun in chasti.

Viafier: Midada da classa è pli bunmartgà

A partir dal favrer duai dar in bigliet ch'ins po midar davent da la segunda en l'emprima classa e quai pli favuraivel. Il principi è il medem sco tar ils normals bigliets da spargn. Sche ils chars da l'emprima classa èn mez vids è la schanza pli gronda ch'ins na stoppia betg pajar blier dapli per pudair midar classa.



Midadas da l'Assicuranza d'invaliditad

Plinavant datti midadas tar l'Assicuranza d'invaliditad (AI). Enfin ussa han persunas cun impediments corporals u psichics retschavì ina renta dad AI tenor in sistem da stgalims. Pia



La nova marca da tschintg raps.

FOTO MAD

ina quarta, ina mesa, ina da trais quarts u in'entira renta d'invaliditad. Quel sistem da stgalims na datti davent da quest onn betg pli. Uschia èsi per exempel era pussaivel da survegnir ina renta da 65%. Plinavant duain persu-

Per trans-persunas vegni pli simpel

Questa midada na pertutga betg la maioritad dals Svizzers e da las Svizras, dentant per trans-persunas po quel pass avair ina gronda muntada. Numnadamain pon las trans-persunas uss laschar midar il prenum ed il gener tar l'uffizi civil. A partir da l'onn 2022 va quai cun pli pauc burocrasia e la midada custa 75 francs. Decider pon ins tranter il gener feminin u masculin. L'opziun "divers" na datti enfin ussa betg en Svizra, era sche quai vegn adina puspè discussiunà en la politica. Quella midada tar l'uffizi civil è pussaivla per persunas sur 16 onns. Sche la persuna è pli giuvna, sto in represchentant legal dar la lubientscha per quella midada.

Dapli reclamas da televisiun

Da nov èsi da guardar dapli reclamas en la televisiun. Sch'ins ha la pussaivladad da guardar il program da televisiun dals davos 7 dis – l'uschenumnada funcziun Replay – han ins enfin ussa pudì sursigliar tut las reclamas ch'ins na vuleva betg guardar. Quest onn vegni a dar reclamas ch'ins na vegn betg da sursigliar. Pre-



Spragnar tar cumpras online grazia al scumond da «geoblocking».

FOTO TIM RECKMANN

Dapli dretgs

Cunquai che la lescha davart ils contracts d'assicuranzas è vegnida revedida, han tut las persunas assicuradas dapli dretgs envers las assicuranzas. Da nov pon ins sa retrair d'in contract enfin 14 dis suenter sia cunvegna. Plinavant ston las assicuranzas pajar ils donns che vegnan annunziads entaifer 5 e betg sco enfin uss entaifer 2 onns. E sche l'uffant da la vischina rum-pa durant dar ballape ina fanestra, pon ins da nov gist annunziar sez quai a la assicuranza da responsabladad da la vischina. Enfin ussa stueva lezza far quai sezza.

